

COMUNICAT DETH CONSELH GENERAU SUS ERA OSARDETA AUBERTA

Ager dia 20 de noveme, se trobèc ara orsardeta òrfena Auberta mòrta laguens eth recinte a on a estat criada peth Conselh Generau d'Aran dempús de non trapar ara sua mair en abriu d'enguan. Eth dia 9 de noveme se la capturèc entà premanir-la entara sua liurança, en tot metent-li mèrques visuaus auriculars, un emissor GPS enganchat en peu e un emissor VHF intraperitoneau, inserit en abdomen, tau coma s'auie acordat per consens de forma col·legiada peth grop de trabalh der os enes Pirenèus, a on i son representades totes es administracions competentes ena espècia.

Era conclusion dera necròpsia, practicada ena Facultat de Veterinària dera UAB, ei qu'era mòrt a estat provocada per complicacions accidentaus derivades dera operacion de colocacion der emissor intraperitoneau, agravades o combinades damb era abitud dera orsardeta d'"escalar" es arbes, endret a on se sentie mès segura, coma correspon a un os joen. Aquesti hèts li an causat era dubertura dera cicatriu en tot provocar-li damatges irreparables que li an causat era mòrt de forma aguda.

Era osardeta ère periodicaments controlhada a trauès d'ua camèra web e se consideraue qu'era evolucion que seguie dempús dera data dera operacion ère excellenta, de tau manèra que se prevedie eth sòn retorn ath miei naturau de forma imminente.

Vielha, 21 de noveme de 2014

Núria Sanjuan Garcia

Prensa e Comunicacion

Departament de Sindicatura

Psg. Libertat, 16 | 25530 Vielha | Tel. 973 64 18 01 |

Tel.618 96 80 88

n.sanjuan@aran.org | <http://www.aran.org>